

— 31 —

Hor c'halonou memes a rente oll konlant.  
 Rac e hini e-unan a zo pareillamant guyé,  
 Evel ma ve an deillou er gues en fin mis maé :  
 Memes ken a sônch din an devez a hirie,  
 E devens astennet deg bloavez eus va bue.  
 Graç deomp d'ea em velet en palez celestiel :  
 En hano an Tad ar Mab, hac ar Speret-Santel.  
 Eno gant an *Æl-Mad* ni vo représentet,  
 Pa vo ret renta kont dirag Zalver ar bed ;  
 E vo lennet an decret, hep hor favorisàn ;  
 Deineus ho meritou e vo barnet pep-unan.  
 Mar e meus choquet den dre re a liberte,  
 E c'houlennan mil eckus digant ho majeste ;  
 Bet e meus ho kônje gant ho permission,  
 Me ho trugareca deus a greis va c'halon,  
 M'ho ped d'am asista evit e c'hondui  
 Ma zefont gant enor d'e c'hass da eureuji.

*Rimou evit gouten ha rei Plac'het da eureuji*

Orsus eta, compagnunez,  
 En em retirít oll a gostez.  
 Evit m'am be an avantaj da barlant  
 Aman, en ho présencç, an langach klokant.  
 Ne ouffen ket certen ober eur guelloc'h tra  
 Eguet dont da ober Sin ar Groas da guenta.

*In nomine Patris et Filii*

*Et Spiritus Sancti.*

Ha neuze e lavarant *Amen*

Evit êchui ervad va feden.

Debonjour ha joa eu ty-màn :  
 N'en déo qet . . . . a chom amàn ?

Ia, va mignon, eun action vad oc'h eus grêt,  
 Dre Sin ar Groas pas zoc'h commencet :

Me a rayo ive coulz a c'houi

*In nomine Patris, et Filii,*

Bac evit êchui ervad va feden,

*Et Spiritus Sancti, Amén.*

— 32 —

*Presenti ar rêr eur Vreg*

Cetu aman eur plac'h yaouank  
Hac e deus eur speret kontant,  
A zo diangach a bep lec'h.  
Ha ma na deo ket mad d'ho keut,  
Certen ec'h ellit mont en ho rout.

Ne douetan va mignon koant,  
E ve ho ty ken dibourve eus ar blac'het yaouank.  
Na zisgasfac'h d'emp unan da velet,  
Certenamant ne vezo ked refused.  
Mes houman a zo an daill var e beg  
Da vezà et pell-zo d'ar vicher eus ar vreg.  
Me vel merket var e c'had clêi.  
E zeus bet goas o paquet dêi  
Kassit-hit buan var e guis,  
Gant aoun e defe droug avis.

Klêvet oc'h eus alies parlant.  
O homz deuz eur zal kaer ha brillant :  
Ia, va mignon, me meus eur sal.  
Hac a zo oll carget demeus a drouleal :  
A bep-tu demeul an daou gostez,  
Nè zeus nemet akajou hac olifes,  
Ha dindan an treid, evit servicha da bave ;  
Ia, ar zall gaer-mâ zo dre oll dekoret  
Demeus ar beder blantenn guera a ve kavet :  
Unan a zêo ar roz, eun all tulipes,  
Eun all ar palm superb, hac eun all ar cypres.  
Ha c'hoas ne meus kontet dêc'h netra  
Evel e zàn da gonta dêc'h brêmâ :  
En creiz ar zal-màn e zeus eur femelen  
Demeus ar re gaëra e veljot birviken ;  
E muzellou a zo demeus ar roz bordet ;  
Michañç e zès ounes o fell dêc'h do gavet,  
Va mignon, gouzout a rit ervad

## — 33 —

Pà gaver an avel eo a ranker guentat ;  
 Ha c'houi, pa gafet diskarg d'ho merc'het  
 Me ho ped, mignonet, n'ho refusit ket,  
 Ha c'hoas trugarekañ Doue,  
 Pa na reomp en guis Table,  
 En devoa da ravissa ar merc'het :  
 An devez memes demêus ho eured.

Cetu aman eur plac'h iaouank,  
 Zo ker kaer hag an eol brillant  
 E diou chod a zo ruz evel ar rôs,  
 Distinguet evel an deiz dious an uoz,  
 E zal a zo ker kaer hag ar c'hristal ;  
 Lakat a ra kalon mab da dridal ;  
 Ha ma na blij ket houman d'éc'h,  
 Na ouffen ket petra da ober d'éc'h,  
 Troublet meurbet eo va speret.

Pe eur banne re am beus evet,  
 M'ar deo hounnes ar femelen,  
 A meus gret anezhi ar goulén ;  
 Mes ar plac'h-se, pa zeo deuet,  
 Ne deo ket da veza refusit,  
 Me a zo ive eun den iaouank,  
 Hag e meus eur speret kontant,  
 Hag a zo diangaj en peb leac'h  
 Hag a dalvez hirio koulz ha d'éc'h.  
 A lakañ va dorn en he hui,  
 Hag a ielo gant-hi da zimezi ;  
 A rañ out-hi peb kontrad mad,  
 E vel a eure e mam d'he zad ;  
 A bremetto dezhi fidelite ha fe  
 E keit ma vezin en bue :  
 A zalc'ho mad dêi beteg mervel :  
 Ne ouffen ket lavarar guell.

Arça eta, va mignon kez,  
 Cedi a ran ganec'h ar plac'h nevez ;  
 Mont a ran d'he digass d'eoc'h d'an nor :

— 34 —

Me o ped d'he receo gant hen or  
 Disdostaît eta, den nevez,  
 Da guemer en dorn ho mestrez ;  
 Evit rêi d'eoc'h an arvoenti,  
 Lakit ho torn en he hini,  
 Ha sonjit penos e pado,  
 Ho komanant beteg ar maro,  
 Va deut ket d'he goaldreîti, d'he chaseal eus an ty,  
 Evel pa ne anevafac'h ket anezhi :  
 Pe m'er grit, va mignon, selaouit mad eur guer :  
 Tec'hit ervad eves demeus ar goalinier,  
 Ar goalinier a zorn Doue oll-buissant  
 A bunisso ar re vechant ;  
 Da lavaret eo ar goalinier  
 Demeus he fulor hag he goler,  
 Pere a c'hellomp da evita,  
 O veva en graç Doue er bed-ma,  
 Pedi Doue, roue an Tron,  
 Da rêy deoc'h holl e venediction,  
 Ha da assista en hoc'heured hirle,  
 Evel ma reas guechal en eured Cana, en Galilée,  
 Tachit eta da gundui eur vuez vad,  
 Hervez Doue hag hervez ho stad,  
 Evit ma c'hefot gantan da repos  
 En fin ho puez en gloar Doue d'ar Barados.  
 Me a ya da lakat va zok var va fenn,  
 Evel a dle ober peb christen,  
 Compagnunez, gant ho permission,  
 Pa meus grêt va dever ha va c'homission.

---

#### DISCOURS

*Da lavaret e-kichen an ty da eur Goulen*

Salud, tud ag enor, gant peb somission :  
 Tud eus a bep kalite hag a bep kondition ;  
 Ho ty, ho madou hag ho domes tiket